



UNIVERSITÄTS-
BIBLIOTHEK
PADERBORN

Tractatvs De Censvris Romano Pontifici Reservatis

Ugolinus, Bartholomaeus

Venetijs, 1609

Vers. Mutilant.

[urn:nbn:de:hbz:466:1-61365](https://nbn-resolving.de/urn:nbn:de:hbz:466:1-61365)

Sedem cœpit, & antequā ad Apostolicam Sedem peruenit, itineris eius pœnituit, cœptumque iter nō perfecit, an qui domum ipsum redeuntem interficit, in excommunicationem hanc incidet? Ego cē seo hunc in excommunicationem non incidere, nam re uera ab ipsa non recessit, quod requirit Bulla, dum inquit. Et recedentes ab eadem, secus autem si ob mōrbum, vel aliquam iustam causam iter non perfecit, nam ex verisimili, & probabili mente auctoris Bullæ priuilegio frui existimandū hunc censeo.

Postremo afficit excommunicatione hēc in omnibus casib⁹, qui bus superior⁹. Item omnes etiam exceptiones prædictas in eadem regula patitur. Sed de regula hac satis, ad aliam veniamus.

Vers. Mutilant.

S V M M A.

1 Mutilare quid sit.

2 Mutilantes eos, qui ad Apostolicam Sedem eunt, in excommunicationem incident, quæ excommunicatio, quo usque pateat, declaratur.

3 Membri partem abscindens, an mutilare hic dicatur, & in excommunicationem incident, si eunti ad Sedem Apostolicam abscindat membra partem.

4 Dentem euellens eunti ad Sedem A-

postolicam, an in excommunicatione incident.

5 Verberans euntem ad Sedem Apostolicam, an in excommunicationem incident.

Hic secunda causa habetur, quamobrem in excommunicationem hanc quis incident, quæ est, ubi quis eunt ad Apostolicam Sedem, ab eadem recedentes mutilat, quam rem vē dilucidiorē habeamus, præmittendum est, quid sit mutilare.

1 Mutilare igitur † nihil aliud est, quam membrum aliquod corporis abscindere, ut probatur in Clement. 1. de homici. & apertius in cap. pen. de corpo. vit. ibi, Manus altera mutilatus. Quibus verbis significatur eum abscissam manum habere, & sic mutilum eum dici, qui abscissum membrum aliquod habet, atq; sic sensit Maiol. in Tractatu suo de irregular. cap. 14. num. 1. & Nauarr. in Man. cap. 27. nu. 206. & num. 208. Hoc præmisso, iam regulam de more ponamus.

In excommunicationem hanc 2 igitur incident, † qui mutilant, seu abscindunt membrū aliquod ijs, qui ad Apostolicam Sedem eunt, ut habetur in versicu. proposito.

Quæ excommunicatio afficit in omnibus casibus, quos in superioribus regulis posuimus, & ob id vel per se, vel per alios quis id fa.



faciat, in excommunicationem hanc incidet. Siue ergo quis oculum eruat, siue manum, brachium abscindat, excommunicatione hac obligabitur.

3 At quid si quis non membrum aliquod abscindat, sed membris partem, an in excommunicationem hanc incidet? Itē quid de eo, qui hos verberat, vulneratve tantum? Quid de euellente, seu projiciente ipsis dentem?

Quoad primam questionem videbatur dicendum hunc in excommunicationem hanc non incidere, ex quo mutilare membrum abscindere significat. Contrariam opinionem tamen veriorem censeo. Primum, quoniam mutilare significat abscindere. argum. cit. c. pen. de corp. vit. iunct. cap. si quis abscederit. distin. 55. at, qui partem abscindit, abscindere sive dubio dicitur, atque sic sensisse videtur Zab. in Clemen. 1. num. 11. q. 10. ibi. Decimo quarto an ex qualibet mutilatione. Postremo facit cap. qui partem. distincta. ead. 55. vbi qui partem cuiuslibet digiti ibi abscindit, irregularis efficitur, ut ibi habetur, & tamē, ob abscissionem partis alicuius corporis, non redditur quis irregularis, nisi pars illa corporis membrum sit, ut DD. communiter inquiunt. Nec obstat ratio in inicio proposta, quandoquidem non excludit ipsum totum suas partes. arg. cap. plus semper de reg. jur. lib. 6. & cap. in toto codem. & qui par-

tem membra ergo abscondet, in excommunicationem hanc incidet. Excipio tamen, vbi quis alii quid membro absconderet, quam obrem membrum dimittitum nō redderetur, exempli gratia, si ex manu pars aliqua carnis abscindatur, & de quaevione hac satis. Ex qua declarantur verba propria, scilicet predictos mutilatē in excommunicationem hanc nō solum incidere, vbi membrum integrum abscindit, verum etiam & vbi partem membra. Iam igitur questionem aliam aggrediamur. Et primo tertiam.

4 An igitur dentem his euellēs in excommunicationem hanc incidet, si hoc faciat illum percutiendo? Ego censeo hunc in excommunicationem incidere. Et hoc ob eam potissimum rationē, quoniam dentes proptium officium habent, nam vocis organa sunt, robustum fulerum linguae exhibentes, simulque alimēti ministri, partim ipsum secantes, partim contarentes, ut inquit Basil. in homi. 3. in fine, quem refert Maiol. in eod. Tractat. de irregularit. capitū. 24. Nec repugnat, quatenus Inno. inquit ca. significavit. de corp. vit. dentes inter membra non numerari, nam prētor respōsionem quam dedit Maiol. in eodem cap. Ego dictum Innoc. locum habere dico in irregularitate, nam quod dentes, si deficiant, nō impediunt, neque etiam dedecori sunt ad diuinā facienda, ob eam rem inter

enēbra dentes non numerari, scilicet, quæ irregularem reddunt; In hoc existimauit, etenim verba secundum subiectam materiam intelligenda sunt. argumen. I. si uno. ff. loca. & I. plenum. §. equitij. si. de vsu & habit. at in eo cap. significa uit, & in toto eod. titu. de impedimentis, quæ irregularem reddūt, agitur, iure igitur dictum Innoc. in hanc sententiam accipiendum est, & de quaestione hac etiam sat. Ex qua habetur ampliatio alia ad propositam regulam, ut sci licet in excommunicationem hanc incidat etiam, qui vi, ac dolo den tem euulserit.

5 Postrema quaestio hæc est, f. quid de verberante prædictos, an & hic excommunicatione hac obuoluatur? sicut etiam vulnerans? Ego breuiter concludo neutrum horum in excommunicationem hanc incidere. Primo, quia nulla verba huius Capitis illis conueniunt, aliud enim est interficere, mutilare, spoliare, & vulnerare, quæ in ipso desiderantur, ex quo igitur verba dispositionis hisce non conueniunt, nec dispositio. argumen. I. 4. §. tories. ff. de damn. infect. etenim ex diuersis non fit illatio. arg. I. Papinianus exuli. ff. de min. Præterea quoniam, vbi canones volunt & verberantem comprehendere, id exprimunt, vt habetur in Clemens. I. de homicid. ibi. Percusserit, quod significat idem, quod verberauerit, quod etiam facit Bulla hæc in Cap. decimo, & in

Consuris

Cap. Vnuecimo: ergo, ex quo hic non dixit, nec nos dicere debemus. argument. I. de pretio. II. de publ. in rem a. Postremo facit, quoniam sumus in pœnis, ergo strictior interpretatio facienda est. argumen. cap. in pœnis, & cap. odia. de reg. iur. lib. 6. & I. interpretatione. ff. de pœn. Concludo igitur nec verberantem, nec vulneratum in pœnam hanc incidere. Ex qua conclusione exceptionem habemus ad regulam propositam, alias vero exceptiones colligere possumus ex propositis regulis antea. Et hæc, quæ diximus de mutilante euntes ad Sedem Apostolicam, dicta esse intelligimus & de mutilante recedentes ab eadem. Sed iam ad reliqua transeamus.

Vers. Spoliant.

S V M M A.

- 1 Spoliare proprie quid sit.
- 2 Spoliare quot modis contingat.
- 3 Spolians hic quando in excommunicationem incidat.
- 4 Spolians euntem ad Apostolicam Sedem in excommunicationem incidit, que excommunicatio, quoisque patet, declaratur.
- 5 Spolians uxore sua maritum euntem ad Apostolicam Sedem, an in excommunicationem incidat.
- 6 Spolians euntem ad Apostolicam Sedem an in excommunicationem incidat,

dat,

